

ԹՈՒՋԱՆՆԱ ԱՂԱՋԱՆԻ ԿԱՐԱՊԵՏՅԱՆ

Կյանքից հեռացավ ԳԱ բուսաբանության ինստիտուտի հնագույն աշխատակից Ռուզաննա Աղաջանի Կարապետյանը: Կյանքի շուրջ 40 տարիները նա մեծ եռանդով նվիրեց սիրած մասնագիտությանը, իր ավանդը ներդնելով հերթարիումի ստեղծման գործում: Ինստիտուտում աշխատելու առաջին իսկ օրերից (սկզբում բնապատմական թանգարանում) նա ի մի է բերել, խմբավորել նշանավոր բուսաբանների հավաքած և որոշած նմուշները, կադմսկերպիլ հավաքածուի պահպանումը:



Նա ակտիվ մասնակցել է նաև հանրապետության ֆլորիստական հարստության ուսումնասիրման նպատակով կադմսկերպիլոզ գիտարշավներին: Դժվար թե լինի Հայաստանի մի շրջան կամ վայր որտեղից նա բույսեր հավաքած չլինի: Մինչև վերջին ժամանակներս իր աշխատանքային ընկերների հետ նա խանդոտ սիրով հետևում էր հերթարիումի բույսերի պահպանմանը, սահմանելով այնտեղ ցուցադրական կարգ ու կանոն:

Սեանա լճի իջեցման հենց առաջին տարիներից նրան հանձնարարվում է ջրից ազատված հողագրունտներում բուսականության ձևավորման և բնական աճման պրոցեսների ուսումնասիրման թեման: Այդ հազվագեպ պրոցեսի ուսումնասիրման առաջին իսկ էտապները նրան բերեցին ավազանի տարբեր հողագրունտների և բուսակազմման բնույթի միջև եղած հետաքրքիր օրինաչափությունների վեր հանման, որոնք հիմք հանդիսացան մի շարք գիտական հոգվածների և հաղորդումների հրապարակմանը: Այս աշխատանքները ամփոփվեցին նրա թեկնածուական դիսերտացիայում (1960 թ.):

Ավելի վաղ մասնակցել է ՀՍՍՀ ջրա-ճահճային ֆլորայի ուսումնասիրմանը, որի արդյունքները հրատարակել են հատուկ գրքույկով:

Բազմահատոր «Հայաստանի ֆլորան» մենագրության կազմման հենց սկզբից, 1952 թվականից, Ռ. Կարապետյանն ակտիվ մասնակցություն է ցուցաբերում տեղական հերբարիումի լրացման գործում՝ առավելապես հանրապետության այն շրջաններից, որոնց ֆլորան լրիվ չի ներկայացված տեղական հերբարիումում: Նրա հավաքած բույսերից նկարագրված են Հայաստանի ու Կովկասի ֆլորայի համար մի շարք նոր տեսակներ: Երկու տասնամյակ շարունակ Ռուզաննա Կարապետյանն իր կոլեգաների հետ կազմում էր Հայաստանի ֆլորայի բոլոր ցեղերի և տեսակների հայերեն անվանումները: Մասնակցելով հատուկ գիտարշավների դեպի Հայաստանի տալբեր շրջանները, բույսերի ժողովրդական անունների հավաքման համար, դուգահեռաբար ուսումնասիրելով գրականության սկզբնաղբյուրները նա մեծ ավանդ մտցրեց բույսերի հայերեն անունների քարտարանի (ուր հաշվվում է 61 հազար քարտ) ստեղծման գործում:

Վերջին տարիներին իր կոլեգաների հետ նա մասնակցում էր «Օգտակար բույսերի բառարան»-ի կազմմանը, ուր ընդգրկված են ժողովրդական կենցաղում համեմատաբար լայնորեն օգտագործվող բույսերի շուրջ 1500 անուն: Նա շուրջ 20 գիտական աշխատանքների հեղինակ է:

Բացի գիտական աշխատանքներից նա ակտիվորեն մասնակցում էր ինստիտուտի կուսակցական ու հասարակական աշխատանքներին և արժանացել է կառավարական պարգևների և խրախուսանքի:

Ռ. Կարապետյանն օժտված էր մարդկային բնավորության շատ բարձր արժանիքներով՝ համեստ, բարեխիղճ, լավատես և սրտակից ընկեր էր: Նա սիրված և հարգված էր ինստիտուտի ողջ կոլեկտիվի կողմից: Նրա բարի անունն ու հիշատակը կապրի բոլոր նրանց սրտերում, ովքեր ճանաչում են նրան: